

**KANTONALNA
PRIVREDNA
KOMORA TUZLA**

**BROJ 1-2/22,
januar - februar
2022. godine**



KOMORSKI INFORMATOR



4. Aktivne mjere zapošljavanja Privrednih komora, Diana Babić

16.00-17.00	1. Završna prezentacija Privrednih komora, Diana Babić
17.00-18.00	2. Završna prezentacija HELVETAS
18.00-19.00	3. Završna prezentacija Privredne komore Tuzla
19.00-20.00	4. Završna prezentacija Privredne komore Zlatar
20.00-21.00	5. Završna prezentacija Privredne komore Zlatar
21.00-22.00	6. Završna prezentacija Privredne komore Zlatar



**UTICAJ GLOBALNIH
EKONOMSKIH TRENDOVA NA
PRIVREDU U BIH**



**KREDITNE LINJE ZA
PRIVREDNIKE TUZLANSKOG
KANTONA**



**PROJEKAT REALIZOVAN,
DODJELJENI CERTIFIKATI**



**ODRŽANA FINALNA
KONFERENCIJA FONDACIJE
HELVETAS**

Komorski informator

Uvod

Poštovani čitaoci!



I 2022. godina je počela kao što je završila prethodna. Veliki broj aktivnosti na zadovoljstvo nas u Komori a nadamo se i privrednika, članica Komore.

U nizu onih koje treba pomenuti i preporučiti na pažnju, izdvaja se aktivnost vezana za projekat „Izgradnja standarda kvaliteta u obrazovanju odraslih“.

Projekat u koji su bili uključeni privredne komore Tuzla, Sarajevo, Zenica, Fondacija Helvetas Švicarska i Federalni zavod za zapošljavanje.

I ne samo da je jedna od najvažnijih aktivnosti u periodu januar-februar, nego je zasigurno jedna od najznačajnijih koje su poduzete u Komori u posljednje vrijeme.

Veoma značajan projekat, izuzetno pozitivno prihvaćen kod privrednika, posebno članica Komore. U januaru je okončan dodjelom certifikata polaznicima a u februaru je održana finalna konferencija pod nazivom “Dan Partnera”, u hotelu Monti, na Igmanu. Konferenciji su prisustvovali partneri Fondacije iz cijele Bosne i Hercegovine, iz sve četiri projektne regije (Republika Srpska-Banja Luka, Trebinje, Široki Brijeg, Zeničko-dobojski kanton). Prezentirani su rezultati projekta koji su ostvareni u prethodne četiri godine na polju obrazovanja i zapošljavanja, te predstavljeni uspjesi, izazovi i perspektive.

Rame uz rame ovoj aktivnosti, po značaju, svakako je i ostvarivanje saradnje Kantonalna privredna komora Tuzla i Razvojne banke Federacije BiH.

Ovi drugi su pripremili i privrednicima Tuzlanskog kantona, članicama Komore, prezentovane kreditne linije RBFBiH a posebno nove kreditne linije (Strategije razvoja FBiH 2021-2027).

Veliko interesovanje kod privrednika, brojni upiti, razgovori o novim linijama a odnose se na dugoročno kreditiranje projekata poboljšanja energetske efikasnosti, kreditiranje projekata obnovljivih izvora energije, IT sektora i digitalne transformacije, Garancijski fond RBFBiH i druge usluge koje su na raspolaganju privrednicima. Naravno, i za sve druge oblasti i sve po povoljnim cijenama.

U sjeni ovih značajnih aktivnosti, nastavljene su i one druge, aktivnosti u radu sa firmama članicama a kroz sastanke odbora komorskih udruženja. Raspravljalo se o temama koje pritišću privrednike, članice Komore.

Nastavljeno je sa jačanjem saradnje sa firmama članicama kroz plasiranje ponude njihovih usluga i proizvoda a putem LED displeja na zgradi Komore.

Također, oživljavanjem sajamske industrije, otvaranjem novih i ponovnim pokretanjem nekih velikih i značajnih sajmova koji su bili u „stand by“ stanju zbog pandemije, otvara se i prilika za predstavljanje firmi članica na sajmovima. U tu svrhu se i dalje uspijeva za firme članice komore obezbijediti izložbeni prostor, nastup Komore, bez troškova zakupa prostora, besplatno i za Komoru i za članice, a poznato je kako je i koliko skup sajamski prostor i nastup na značajnom sajmu.

Raduje da se u ovoj drugoj grupi aktivnosti, ponovo može istaći kako je nastavljen trend povećanja broja članica Komore, firmi koje su potpisivanjem pristupnice na dobrovoljnoj osnovi, ušle u porodicu firmi koje okuplja Kantonalna privredna komora Tuzla.



Komorski informator Sadržaj

KANTONALNA PRIVREDNA KOMORA TUZLA

KOMORSKI INFORMATOR BROJ 1-2/22, januar-februar 2022. godine

IZDAVAČKI SAVJET:

1. Nedret Kikanović, član
2. Mirsad Kukić, član
3. Izet Džananović, član
4. Suad Selimović, član
5. Edina Kurtić, član

REDAKCIJSKI KOLEGIJ:

1. Nedret Kikanović, član
2. Almir Mešić, član
3. Edina Kurtić, član
4. Suad Selimović, član

IZDAVAČ:

Kantonalna privredna
komora Tuzla

GL. I ODGOVORNI UREDNIK:

Dino Kalesić

TEHNIČKA PRIPREMA, REPRO I ŠTAMPA:

GRIN d.o.o. Gračanica

ZA ŠTAMPARIJU:

Hariz Altumbabić, direktor

TIRAŽ:

500 primjeraka.

ADRESA:

Trg slobode bb
e-mail: kpktz.ba@bih.net.ba
<http://www.kpktz.ba>

	Uticaj globalnih ekonomskih trendova na privredu u BiH	4
	Kreditne linije za privrednike Tuzlanskog kantona	5
	Projekat realizovan, dodjeljeni certifikati	6
	Održana finalna konferencija Fondacije Helvetas	7
	Pripreme za nastup na Sajmu turizma u Beogradu	8
	Prijem 34 radnika na određeno vrijeme u RMU Đurđevik	9
	Ambiciozan plan tuzlanske zračne luke	9
	Lukavac Cement d.o.o. i Lukavac Beton d.o.o.	10
	„Menprom“ proizvodi odobreni za izvoz u EU	11
	Zajedničko izlaganje na sajmovima	12
	Najava sajamskih manifestacija	13,14 i 15
	Novosti iz JP EP BiH	16
	Promocija rezultata projekta “Naša učionica”	18



Predsjednik Kikanović za Poslovne novine...

Uticaj globalnih ekonomskih trendova na privredu u BiH

Privrede Zeničko-dobojskog i Tuzlanskog kantona najbrže se oporavljaju od posljedica pandemije



Globalni ekonomski trendovi u određenoj mjeri pozitivno su utjecali na oporavak bh. privrede od posljedica pandemije koronavirusa. Poseban uspjeh ostvaruje metalska industrija koja bilježi povećanje izvoza, ali problem predstavlja nedostatak kvalifikovane radne snage.

Privrede Zeničko-dobojskog i Tuzlanskog kantona najbrže se oporavljaju od posljedica pandemije, a rast industrijske proizvodnje u godini na izmaku je 3,5 posto u odnosu na lanjske rezultate. Porast izvoza, ali i uvoza prati nedostatak radne snage, zbog čega će se morati krenuti u agresivnije procese prekvalifikacije i dokvalifikacije radnika. Naime, pandemija koronavirusa nanijela je brojne probleme bh. privredi koja se u određenom trenutku našla na koljenima. Posljedice su najviše osjetile oblasti turizma, ugostiteljstva i prijevoza putnika, a u određenoj mjeri na mukama se našla i industrijska proizvodnja.

Međutim, u odnosu na godinu ranije, Zeničko-

dobojski i Tuzlanski kanton uspješni su ostvariti značajne poslovne uspjehe, što je sasvim prirodno jer su ove dvije bh. regije posebno naslonjene na industrijsku proizvodnju.

U ova dva kantona rast industrijske proizvodnje zabilježen je od 3,5 posto, s tim da tuzlanska regija u ostalim parametrima ostvaruje nešto bolje rezultate.

„Kada govorimo o izvozu, za devet mjeseci ove godine on je ostvaren u iznosu od okvirno 1,5 milijardi KM i to su uglavnom proizvodi iz metalske i hemijske industrije, što je rast od 21 posto. Također, bilježimo i rast uvoza od 1,7 milijardi KM i uglavnom je riječ o repromaterijalu za metalsku i hemijsku industriju, koji smo ugrađivali i potom izvozili“, kaže Nedret Kikanović, predsjednik Kantonalne privredne komore u Tuzli.

S druge strane, globalno povećanje cijena repromaterijala, usluga i transporta svakako je utjecalo na sporiji oporavak tuzlanske privrede.

„Međutim, naša prednost je da smo imali izvozno orijentisanu privredu te su naši privrednici uspješni sačuvati ugovore koje su imali sa inozemnim partnerima. To je ono što je dalo ovaj rast o kojem smo pričali“, navodi Kikanović.



Prema aktuelnim podacima, u Tuzlanskom kantonu zaposlene su 103.000 osoba, dok se na evidenciji Kantonalnog zavoda za zapošljavanje nalazi njih 71.000. Ali, za privredu, posebno metalski sektor veliki problem je nedostatak kvalifikovane radne snage, s obzirom da sve veći broj majstora odlazi u razvijenije evropske zemlje.

„Svjetska proizvodnja globalno se preselila u Evropsku uniju, s obzirom na to da je poskupio transport te je određeni broj proizvoda neisplativo uvoziti. Zbog toga raste i obim posla u BiH, ali nama veliki broj ljudi odlazi te ćemo morati vršiti prekvalifikaciju i dokvalifikaciju kako bi mogli imati kadrove da održimo ovaj

nivo proizvodnje i privrede“, smatra Kikanović.

Ova regija BiH trenutno vapi za građevinskim radnicima te majstorima u metalnoj i tekstilnoj industriji, odnosno niskoakumulativnim privrednim granama. Aktuelnoj situaciji, prema riječima Kikanovića, obrazovni sistem mora čim prije odgovoriti, kako bi dobili fleksibilniju radnu snagu.

„To ćemo morati raditi u narednom periodu. Već smo obavili određene razgovore sa kantonalnim ministarstvom obrazovanja kako bismo formirali centar za obrazovanje odraslih“, dodao je Kikanović.

Inače, proizvodi iz Tuzlanskog kantona u ovoj godini najviše su izvezeni u Austriju i Njemačku. Kada je riječ o promociji privrede, nadležni iz tuzlanske regije u ovoj godini su se bazirali na prostor Bosne i Hercegovine, zbog zatvorenosti sajamske industrija u regionu, posljedično i dalje prisutnoj pandemiji koronavirusa.



Prezentacija u Komori...

Kreditne linije za privrednike Tuzlanskog kantona

Kantonalna privredna komora Tuzla organizovala je prezentaciju programa finansiranja projekata u privredi - Kreditne linije Razvojne banke FBiH u sklopu razvoja FBiH 2021-2027.



Kantonalna privredna komora Tuzla i Razvojna banka Federacije BiH pripremile su privrednicima Tuzlanskog kantona, članicama Komore, prezentaciju programa Razvojne banke Federacije BiH za finansiranje projekata u privredi. Na prezentaciji su prezentovane kreditne linije RBFBiH a posebno nove kreditne linije (Strategije razvoja FBiH 2021-2027). Odnose se na dugoročno kreditiranje projekata poboljšanja energetske efikasnosti, kreditiranje projekata obnovljivih izvora energije, IT sektora i digitalne transformacije, Garancijski fond RBFBiH i druge usluge koje su na raspolaganju privrednicima. Prema riječima dr sc. Semira Fejzić, izvršnog direktora za upravljanje rizicima Razvojne banke FBiH, prateći Strategije razvoja FBiH uvedeno je pet novih kreditnih linija, sa kamatnom stopom 2,5% sa dužim vremenskim periodom otplate. „Izdvojiti ćemo obnovljive izvore energije, oblast za koju je privrednicima pripremljena kreditna linija po veoma povoljnim uslovima. Svi privrednici bez obzira na djelatnost kojom se bave mogu naći kreditnu liniju koja će odgovarati njihovim potrebama. Privrednici, obrtnici, te općine i gradovi u TK su koristili prethodne dvije godine kredite Razvojne banke. Plasirana sredstava su u vrijednosti 20 miliona KM. To je nedovoljno za ovako razvijen i veliki kanton. Očekujemo podršku Vlade TK koja bi mogla da izdvoji sredstva za subvencije kamata. To je nešto što je već praksa u drugim kantonima koji svoje kapitalne projekte mogu finansirati iz sredstava Razvojne banke“, rekao je direktor Fejzić. Dalibor Milinković izvršni direktor za projekte i razvoj Razvojne banke FBiH ističe, da za svaku kreditnu liniju ima dovoljno novca za sve uslove i sve upite koji će doći sa ovog područja.

Javno preduzeće Spreča planira realizaciju nekoliko projekata iz oblasti energetike. S tim u vezi, potrebna su i kreditna sredstva Razvojne banke Federacije. Prema riječima „Planiramo u ovoj godini da završimo izgradnju hidrocentrale 2 u krugu brane Modrac odmah do postojeće hidrocentrale 1. Planiramo i solarnu elektranu, ali ćemo odlučiti za dio na zemljanom platou ili akumulaciji Modraca, o tome ćemo odlučivati u

dogledno vrijeme“, istakao je Omer Kovčić izvršni direktor za tehničke poslove JP Spreča Tuzla.

„Naše mišljenje je da svi privrednici bez obzira na djelatnost kojom se bave mogu naći kreditnu liniju koja će odgovarati za finansiranje njihovih potreba. Nekima su potrebna sredstva za energetske efikasnost, nekima će više koristiti Garantijski fond, međutim za sve vrste poslovnih djelatnosti u ovoj instituciji imaju sredstva“, kazala je Edina Kurtić, rukovodilac Sektora udruženja Kantonalne privredne komore Tuzla.

Za svih pet novih linija kredita Razvojne banke fiksna kamatna stopa je 2,5 posto, a rok otplate kredita je 12 godina. Pored nove kreditne linije, privrednicima je na raspolaganju i Garancijski fond. Od uspostavljanja ovog fonda, u Federaciji BiH je odobreno više od 220 miliona KM kreditnih sredstava kod komercijalnih banaka.



D.K.



„Izgradnja standarda kvaliteta u obrazovanju odraslih...

Projekat realizovan, dodjeljeni certifikati

„Izgradnja standarda kvaliteta u obrazovanju odraslih - Završena obuka polaznika za obavljanje poslova armirača - Privredne komore Tuzla, Sarajevo, Zenica, Fondacija Helvetas i Federalni zavod za zapošljavanje



Dodjelom certifikata polaznicima, Kantonalna privredna komora Tuzla završila je sve aktivnosti u okviru projekta „Izgradnja standarda kvaliteta u obrazovanju odraslih“. Veoma značajan projekat, izuzetno pozitivno prihvaćen kod privrednika, posebno članica Komore, koji je realizovan u saradnji sa Privrednom komorom Kantona Sarajevo i Privrednom komorom Zeničko – dobojskog kantona, a kojeg su finansijski podržali Fondacija Helvetas – Moja budućnost i Federalni zavod za zapošljavanje.

Važno je pomenuti da je za drugi, posljednji ciklus obuke, sve troškove obuke snosila Fondacija Helvetas – Moja budućnost, da su uposlenici komora prošli kroz niz obuka i stekli znanja i vještine za vođenje ovakvih procesa obuke. Rađeno je po posebnim programima izrađenim uz konsultacije sa firmama koje su identificirale nužne vještine neophodne radnicima za obavljanje ovih poslova.



Kako je već ranije ukazano na veliku potražnju za radnicima u građevinskoj industriji a nakon što je Komora animirala i anketirala firme na području Tuzlanskog kantona, potvrđeni su interes i potreba privrednih subjekata da kroz ovakav projekat, obuče zainteresovana nezaposlena lica i kroz praktičan rad ih osposobe za obavljanje posla armirača.

Upravo u saradnji sa privrednim subjektima i uz direktne konsultacije sa građevinskim firmama, uz snažnu podršku Fondacija Helvetas i Federalnog zavoda za zapošljavanje, formiran je program obuke koji je realizovan u dva ciklusa po 240 sati. Nezaposlene osobe su odslušale 45 sati teorijske nastave koja se odnosila na sigurnost na radu, poznavanje materijala i tehnika, dok je ostalih 195 sati obuke realizovano na gradilištima gdje su kandidati praktično, pod nadzorom profesora građevinske grupe predmeta i mentora za praktičnu obuku u firmi, sticali vještine i kompetencije iz oblasti građevinarstva. Svi polaznici obuke su potpisali šestomjesečni ugovor o radu u kompanijama u kojima su obavili obuku, ukupno 16 nezaposlenih osoba za obavljanje poslova armirača, koji su dobili zaposlenje u firmama u kojima su bili na obuci.



Imajući u vidu uspješnost realizacije ovog projekta, zadovoljstvo svih aktera a ujedno i evidentan nedostatak radne snage koji je na ovim prostorima sve izraženiji i prisutan u svim privrednim sektorima, Kantonalna privredna komora Tuzla će nastojati i u narednom periodu u saradnji sa preduzećima organizovati obuke za nezaposlene i uključiti se u rješavanje ovog izuzetno velikog problema sa kojim se suočava privreda Tuzlanskog kantona.



Pripremio: Dino Kalesić



Moja Budućnost “Dan Partnera”...

Održana finalna konferencija Fondacije Helvetas

Osnovana prva u Bosni i Hercegovini, Međusektorska radna grupa koja se bavi sagledavanjem problematike srednjeg stručnog i obrazovanja odraslih u skladu s potrebama tržišta rada



Finalna konferencija Fondacije Helvetas Moja Budućnost, pod nazivom “Dan Partnera”, održana je u februaru u hotelu Monti, na Igmanu. Konferenciji su prisustvovali partneri Fondacije iz cijele Bosne i Hercegovine, iz sve četiri projektne regije (Republika Srpska-Banja Luka, Trebinje, Široki Brijeg, Zeničko-dobojski kanton) i na istoj su prezentirali rezultate projekta koji su ostvareni u prethodne četiri godine na polju obrazovanja i zapošljivosti, te predstavili uspjehe, izazove i perspektive.

Jedan od ključnih partnera Fondacije Helvetas Moja Budućnost je i Privredna komora ZDK, koja je zajedno sa Ministarstvom za obrazovanje, nauku, kulturu i sport ZDK, uz podršku Vlade ZDK, putem Ministarstva za rad, socijalnu politiku i izbjeglice ZDK, podršku Federalnog zavoda za zapošljavanje, i zajedno sa obrazovnim institucijama, kompanijama ZDK i ostalim akterima, tokom prethodne dvije godine, izuzetno uspješno implementirala projekte “Sinergijom do lakšeg zapošljavanja u ZDK” i “Izgradnja standarda kvaliteta u obrazovanju odraslih kantonalnih privrednih komora”.



U okviru projekata u ZDK, koje je podržavala Fondacija Helvetas Moja Budućnost, u partnerskoj saradnji, zaposleno je preko 100 ljudi, educirano je 26 mentora praktične nastave, kreirana Analiza srednjoročnog kretanja tržišta rada ZDK 2020-2025, izvršene izmjene nastavnog plana i programa za zanimanje elektromehničar, izrađene Smjernice za unapređenje saradnje privrede i stručnih škola na lokalnom nivou, kreirani dokumenti za izvođenje praktične nastave, izvršena je analiza primjene Pravilnika o izvođenju praktične nastave izvan škole i Pravilnika o izvođenju ferijalne prakse u ZDK, unaprijeđena saradnja dva mjesta učenja i rezultat iste je 1088 potpisanih govora između kompanija i učenika i roditelja o izvođenju praktične nastave izvan škole za učenike srednjih stručnih i tehničkih škola u školskoj 2021-2022. godini.



U okviru Projekta osnovana je, prva u Bosni i Hercegovini, Međusektorska radna grupa koja se bavi sagledavanjem problematike srednjeg stručnog i obrazovanja odraslih u skladu s potrebama tržišta rada i prepreka u odnosu na pozitivno-pravne propise, te davanjem preporuka za njihovo unapređenje, kako bi se definisala dugoročna i održiva rješenja.

Akta.ba



Iz Udruženja za trgovinu, ugostiteljstvo i turizam...

Pripreme za nastup na Sajmu turizma u Beogradu

Usvojen Program rada za 2022. godinu – Dogovor o upućivanju inicijativa i dopisa resornim ministarstvima – Izrada zajedničke turističke ponude za sajam u Beogradu



Članovi Odbora Udruženja za trgovinu, ugostiteljstvo i turizam te Odbora Grupacije ugostitelja TK i Odbora Udruženja turističkih agencija u proširenom sazivu, održali su redovnu sjednicu u proširenom sazivu. Uz određene dopune i prijedloge iz firmi članica Komore, usvojen je Program rada udruženja za 2022. godinu. Na sjednici su članovi Odbora donijeli su zaključak da se iz Komore i ovih udruženja uputi dopis Ministarstvu obrazovanja i nauke, Ministarstvu zdravstva i Kriznom štabu TK u kojem se traži da se sukladno epidemiološkoj situaciji na Tuzlanskom kantonu i unutar Bosne i Hercegovine ublaže mjere, odnosno stave van snage mjere koje se odnose na vanškolske aktivnosti, da se dozvole jednodnevni izleti učenika u prirodu, jer svi koji dolaze u školu, a van su Tuzle, dolaze autobusima, pa zašto ne bi mogli odlaziti u prirodu. Jedna od tačaka bio je i prijedlog za pokretanje inicijative iz Udruženja prema nadležnim ministarstvima kantonalnom i federalnom, u cilju obezbjeđenja finansijske podrške trgovinskim firmama kojima je ograničena marža od strane Federalne vlade, kao vid podrške socijalno ugroženim kategorijama. O ovoj temi je govorio i iznio niz primjera koji ukazuju na potrebu inicijative, Kasim Selimović predsjednik Odbora Udruženja za trgovinu, ugostiteljstvo i turizam. **„Zaključak nakon rasprave po ovoj temi, koje je jednoglasno usvojen, je da se dopuni Zhatjev nadležnog kantonalnog ministarstva, da se iznađu određena finansijska sredstva kao dio podrške privrednim društvima koja obavljaju promet roba, za koje je određena marža do 8%, (osnovne životne namirnice), koje čine promet više od 50% od ukupnog ostvarenog prometa. Također, traži se da nadležno kantonalno ministarstvo posreduje u postizanju sporazuma sa nadležnim federalnim ministarstvom polazeći od činjenice da uvedene zaštitne mjere, privredna društva stavljaju u neravnotežan položaj, pri čemu nisu u mogućnosti određenom maržom pratiti cijenom rada na tržištu, kao i otežano servisiranje drugih obaveza prema državi i povjericima“**, izjavio je Kasim Selimović predsjednik Odbora.



ugostiteljstva i hotelijerstva i dali podršku ovoj ideji. U narednim danima, do početka sajma, aktivno će svi sudjelovati idejama, prijedlozima konkretnim aktivnostima kako bi se pripremila što kvalitetnija publikacija koja će biti distribuirana u Beogradu i koja će biti svojevrsan turistički vaučer sa preporukama, informacijama, pogodnostima za goste koji odluče dane vikenda ili ljetnog odmora provesti u našem okruženju. Dogovoren je intenzivan kontakt i saradnja svih članica zainteresovanih za ovaj projekat, tokom svih narednih dana do početka Sajma turizma u Beogradu 24. marta.

Pripremio: Dino Kalesić
sekretar Udruženja



Iz firmi članica Komore...

Prijem 34 radnika na određeno vrijeme u RMU Đurđevik

Saglasnost Vlade FBiH za prijem radnika



Vlada FBiH je usvojila informaciju Federalnog ministarstva energije, rudarstva i industrije o aktivnostima za prijem radnika u Rudnik mrkog uglja Đurđevik d.o.o. Đurđevik, koji posluje u sastavu Koncerna JP Elektroprivreda BiH dd Sarajevo. Vlada je dala saglasnost za prijem ukupno 34 radnika na određeno radno vrijeme do šest mjeseci u ovom rudniku. U obrazloženju Federalnog ministarstva energije, rudarstva i industrije je navedeno da je JP Elektroprivreda BiH d.d Sarajevo dostavila akt u kojem je navedeno da je riječ o proizvodnim radnicima od kojih ovisi tehnološki proces, ostvarenje planirane

proizvodnje, a time i obezbjeđenje planiranih prihoda i osiguranje pozitivnog poslovanja. Prijemom 34 radnika na određeno vrijeme mjeseci neće doći do povećanja ukupnog broja radnika u RMU Đurđevik, jer su na radnim mjestima za koje se traži prijem trenutno zaposleni radnici kojima ističe rad na određeno radno vrijeme. Riječ je o jednom inženjeru tehnološkog procesa za površinski kop (PK), jednom vozaču damper kamiona na PK, četiri rukovaoca bagera na PK, četiri rukovaoca bušilice na PK, šest pomoćnika rukovaoca bagera na PK, jednom pomoćniku rukovaoca bušilice na PK, po jednom inženjeru tehnološkog procesa za jamu, inženjeru elektroodržavanja za jamu i inženjeru elektroodržavanja za slabu struju za jamu, dva rudara podzemnog kopa na pripremi i dobijanju uglja, tri pomoćna rudara na pripremi i dobijanju uglja u jami, jednom rudarskom radniku – utovaraču na pripremi i dobijanju uglja u jami, pet rudarskih radnika – utovarivača na transportu u jami, dva rudarska radnika utovarivača na održavanju u jami, te jednom ekonomisti za javne nabavke u direkciji ovog društva.

Ambiciozan plan tuzlanske zračne luke

Zaključak sa 62. redovne sjednice Vlade TK



Vlada tuzlanskog kantona je na 62. redovnoj sjednici dala saglasnost na Plan poslovanja JP „Međunarodni aerodrom Tuzla“ za 2022. godinu. Kako se u ovom dokumentu navodi u tekućoj godini planira se nastavak tehničkog opremanja Aerodroma i kontinuirana edukacija radnika za siguran prihvata i otpremu zrakoplova, putnika, prtljaga i roba, ali i nastavak postepenog povećanja broja zračnih operacija i novih destinacija u zemlje zapadne Evrope i Bliskog Istoka. Također, planiran je i završetak onih projekata koji nisu okončani tokom 2021. godine, a to su prije svih stavljanje u funkciju osvjjetljenja piste u projektovanoj dužini od 900m, tehnički prijem zgrade putničkog

terminala, izgradnja trećeg GATE-a kao i carinskog skladišta. Prema aktualnim planovima avio kompanije Wizz Air u prva tri mjeseca ove godine predviđa se nastavak zimske sezone, odnosno letovi na 14 destinacija u 6 zemalja, dok bi se u periodu april – oktobar tekuće godine taj broj povećao na 22 destinacije u 7 evropskih zemalja.

Kada je u pitanju razvoj tuzlanske zračne luke, u 2022. godini planirano je da se nastave pregovori i sa drugim niskobudžetnim avio kompanijama koji su započeti u 2021. godini. Cargo saobraćaj se u 2022. godini planira na 5 opsluženih letova u godini što je za 3 leta više u odnosu na 2021. godinu. Kapacitet koji aerodrom trenutno posjeduje je dovoljan za opslugu i u slučaju povećanja broja Cargo operacija, navodi se u Planu.

U toku 2022. godine Aerodrom planira i da se završi izgradnja i dodatnog GATE-a atriya i nadstrešnice ispred dolaznog GATE-a, čime će se upotpuniti slika modernog međunarodnog aerodroma. Pored toga u 2022. godini planirana je rekonstrukcija parking prostora, što će unaprijediti prostor za prateće aerodromske sadržaje.

D.K.



FCL promijenila ime i oblik poslovanja...

Lukavac Cement d.o.o. i Lukavac Beton d.o.o.

Promjene s ciljem transparentne identifikacije brendova sa firmom - Segmentiranje proizvodnje cementa i betona



Od 1. januara 2022. godine Fabrika cementa Lukavac d.d. je zvanično promijenila svoje ime i oblik društva u Lukavac Cement d.o.o., dok je Lukavac Beton u drugoj polovini 2021. postao samostalno poslovno društvo koje sada posluje pod nazivom Lukavac Beton d.o.o. Navedene promjene su realizirane s ciljem transparentne identifikacije brendova sa firmom.

konstantno radi na daljim ulaganjima i praćenju razvoja modernih tehnologija, što omogućava implementiranje inovativnih ideja i projekata.



“Nakon uspješno okončane faze razdvajanja i pozicioniranja naših brendova Lukavac Cement i Lukavac Beton, potpuno logičan slijed je bio da i naše dosadašnje poslovanje uobličimo u dvije firme u svrhu još fleksibilnijeg i učinkovitijeg djelovanja u skladu sa savremenim trendovima. Odlučili smo da u poslovnoj i svakoj drugoj komunikaciji i samim nazivima naših kompanija segmentiramo proizvodnju cementa i betona te dodatno povećamo njihovu prepoznatljivost i funkcionalnost kao pouzdanih partnera i vodećih proizvođača cementa i betona” – istakao je Nihad Begić, izvršni direktor za komercijalne poslove i marketing Lukavac Cementa d.o.o.

Glavni cilj Lukavac Cementa d.o.o. i Lukavac Betona d.o.o. je da se klijentima osigura vrhunska kvaliteta proizvoda i usluga, te da se



Remontne aktivnosti postrojenja Lukavac Cementa

Redovne remontne aktivnosti postrojenja Lukavac Cementa za 2022. godinu počele su 21. januara i odvijat će se do 10. marta.

Cilj ovogodišnjeg redovnog remonta je dodatno povećanje pouzdanosti rada cementare, unapređenje i poboljšanje energetske učinkovitosti pri proizvodnji klinkera, te povećanje udjela alternativnih goriva i svih drugih ekoloških aspekata proizvodnje. Remontom tople linije biće obuhvaćeni pogoni za dopremu sirovine, mlin sirovine, rotaciona peć sa izmjenjivačem topline, hladnjak klinkera, skladištenje i doziranje alternativnih goriva i drugi. Pored radnika Lukavac Cementa u remont opreme i revitalizacije postrojenja, uz obezbjeđenje najboljih uslova za rad, uključeno je i oko 120 radnika uglednih internacionalnih i domaćih kompanija. Stalnim investiranjem u razvoj Lukavac Cementa i njegovih postrojenja doprinosi se, između ostalog, zaštiti životne okoline, održivom razvoju i daljem unaprjeđenju našeg uspješnog poslovanja.

D.K.



Novosti iz MI „Menprom“ doo Tuzla...

„Menprom“ proizvodi odobreni za izvoz u EU

Potvrda dugogodišnjeg predanog, kontinuiranog rada i vrhunske kvalitete proizvoda



Vrhunski mesni delikatesi od visokokvalitetnog pilećeg, goveđeg i purećeg mesa čine MI „Menprom“ doo Tuzla jednom od vodećih mesnih industrija u našoj zemlji. Krajem 2008. godine u Menpromu su uspješno implementirali HALAL certifikat u okviru proizvodnje. Pored certifikata, kontrola zdravstvene ispravnosti i kvaliteta proizvoda se takođe svakodnevno vrši i u sklopu laboratorije koje je opremljena najsavremenijom opremom iz te oblasti. Fokusirani na tradicionalne metode proizvodnje, korištenje samo najkvalitetnijeg mesa uz poštivanje najviših standarda, „Menprom“ je prije dvije godine uspješno započeo izvoz u Ujedinjene Arapske Emirate. Početkom 2022. godine, za ovu uspješnu kompaniju stigla još jedna izuzetno lijepa vijest i priznanje. Naime, Kompaniji Menprom odobren je izvoz proizvoda u EU što je potvrda dugogodišnjeg predanog, kontinuiranog rada i vrhunske kvalitete proizvoda. **“Pileći i pureći delikatesni proizvodi moći će se pronaći na policama širom starog kontinenta. Ovo sigurno ne bi bilo moguće bez vaše stalne podrške, i na tome vam se od srca zahvaljujemo. Ovu vijest smo dočekali kao svojevrsni novogodišnji poklon, te nam je dodatna motivacija i vjetar u leđa za izvrsnu 2022. godinu koja je pred nama”**, navode iz Menproma.

Solarne elektrane - spas od poskupljenja struje

Način kompanije koje izgrade solarnu elektranu postaju konkurentnije i energetske neovisnije

Nemojte dozvolite da Vas zateknu najavljena poskupljenja električne energije i da ugroze Vaše poslovanje. Izgradnja solarnih fotonaponskih elektrana čija se proizvedena električna energija koristi za vlastite potrebe, odnosno potroši se na mjestu njenog nastanka, predstavlja optimalno rješenje za male i velike industrijske kupce. Samostalnom proizvodnjom iz vlastite solarne elektrane znatno se smanjuje se znoš račun za električnu energiju. Na ovaj način kompanije koje izgrade solarnu elektranu postaju konkurentnije i energetske neovisnije. U skladu sa važećim zakonskim propisima ovaj vid izgradnje ne zahtijeva komplikovanu proceduru ishoda što u mnogome olakšava i ubrzava postupak izgradnje. Detaljna analiza potrošnje električne energije odnosno analiza pripadajućih troškova nabavke električne energije, daje odgovor o isplativosti ulaganju u izgradnju solarnih elektrana za vlastite potrebe. Rok povrata na uložena sredstva iznosi do 6 godina. Ukoliko dođe do najavljenog poskupljenja realno je očekivati znatno kraći rok povrata.

Solarne elektrane postaju nezaobilazan izvor električne energije i njihovo korištenje se kontinuirano povećava budite i Vi proizvođač „zelene energije“. Dodatne informacije o cijenama i instalaciji solarnih elektrana potražite na www.solarne-elektreane.ba.

D.K.





Poziv članicama Komore...

Zajedničko izlaganje na sajmovima

Privreda TK na sajmovima u BiH i regionu - mart i april 2022.



Pozivamo firme članice Komore, da budete sastavni dio zajedničke postavke privrede Tuzlanskog kantona na nekoliko značajnih sajskih manifestacija u narednom periodu, a u organizaciji Komore.

Kantonalna privredna komora Tuzla će učiniti maksimalne napore da obezbijedi izložbeni prostor, zajednički nastup firmi članica (bez dodatnih troškova izlagača) na slijedećim sajskim manifestacijama:

- Banjaluka: "Grames Demi 2022" - Sajam građevine, materijala opreme, alata i modernih tehnologija u građevinarstvu. Elektro i mašinska industrija, 16-18.3.
- Sarajevo: 38. sajam "Interio" - Međunarodni specijalizovani sajam namještaja, unutrašnjeg i vanjskog uređenja, te prateće djelatnosti, 17-20.3.
- Beograd: 43. Međunarodni sajam turizma, 24-27.3.
- Budva: 47. Sajam hrane, 30. Međunarodni sajam turizma, opreme za hotelijerstvo i ugostiteljstvo - METUBES, 38. Sajam namještaja, opreme za domaćinstva, Poslovne prostore i unutrašnju dekoraciju i Sajam sezonskog zapošljavanja, od 30.3. do 2.4.
- Mostar: 23. međunarodni sajam gospodarstva, 5-9.4.
- Banjaluka: Međunarodni sajam turizma "Banja Luka 2022", 8-10.4.
- Beograd: 46. Međunarodni sajam građevinarstva SEEBBE, 27 - 30.4.2022.
- Lukavac: 20. međunarodni sajam turizma i ekologije "LIST" od 5. do 7. maja
- Sarajevo: 8. Sajam privrede, poljoprivrede i zanatstva & 45. Sajam roba široke potrošnje, 8-11.12.

Ukoliko ste zainteresovani za nastup na nekoj od navedenih, značajnih sajskih manifestacija a u skladu sa vašom djelatnošću i komorkom Udruženje u okviru kojeg djeluje vaša firma pri Komori, potrebno je da nam što prije potvrdite vaše učešće. Također, neophodno je da nam javite i oblik vašeg učešća u zajedničkoj postavci kako bismo znali planirati raspored izložbenog prostora. S tim u vezi nam trebate javiti da li ćete učestvovati u zajedničkoj postavci, da li će vaši predstavnici putovati na sajmove i na sajmovima prezentovati vaše proizvode, ili ćete odrediti određenu količinu proizvoda i reklamnog materijala, koju će predstavnici Komore ukomponovati u sajsku postavku. Ovi podaci su potrebni kako bi se moglo pristupiti planiranju prijevoza i organizacije nastupa. Pozivamo vas da prihvatite naše pozive i u narednom periodu doprinesete uspješnom predstavljanju privrede Tuzlanskog kantona na svim sajskim manifestacijama na kojima Kantonalna privredna komora Tuzla bude organizovala zajednički nastup.

Molimo da nam što prije (do 21.2.) javite vaš odgovor kako bismo mogli izvršiti prijavu na sajmu i uvrstiti firme u katalog izlagača, sve potpuno besplatno. Kontakt osoba je Dino Kalesić: 061/164-311.

Dino Kalesić, sekretar Udruženja za trgovinu,
ugostiteljstvo i turizam
- Rukovodilac Sektora za edukaciju,
promociju, regionalnu
saradnju i odnose s javnostima



Najava sajamskih manifestacija...

Beograd: 43. Međunarodni sajam turizma, 24-27.3.



Uspješna i atraktivna, lokalna i globalna, multinacionalna i multikulturalna. Nije teško pogoditi – predstavljamo Sajam turizma. Po svim kriterijumima – obimu, kvalitetu, značaju, privlačnosti..., rezultat je isti – Sajam turizma je jedna od najuspješnijih manifestacija u zemlji i regionu. Samo turizam sa toliko šarna spaja biznis i zadovoljstvo, samo putovanja imaju neodoljivu privlačnost za sve ljude na planeti. Beogradski sajam u tih nekoliko dana postaje „svijet u malom“, ali i privredna manifestacija koja, uz poslovne, okuplja i na desetine hiljada „običnih“ posjetilaca. Neko traži poslovne partnere, neko turističke aranžmane. Svakako, svi su tu i na jednom mjestu predstavljaju se turističke agencije, savezi i organizacije, hoteli, turistički centri, vazduhoplovne kompanije, međunarodni tur operatori...

ORGANIZATOR BEOGRADSKI SAJAM

Kontakti:

Dragan Zečević, koordinator projekta

Nataša Panić, saradnik na projektu - Aleksandra Nikolić, saradnik na projektu - Dragana Kovačević, administrator projekta

Tel. 011/2655-206, 2655-305, 2655-307, 2655-866

e-mail: turizam@sajam.rs

Prijava na www.kpktz.ba

Beograd: "SEEBBE" 46. Međunarodni sajam građevinarstva



Od 27. do 30. aprila 2022. godine, pod pokroviteljstvom Ministarstva građevinarstva, saobraćaja i infrastrukture Republike Srbije, na Beogradskom sajmu će se održati 45. Međunarodni sajam građevinarstva, vodeći sajamski događaj u građevinskoj industriji u regionu jugoistočne Evrope. U šest sajamskih hala i na otvorenom prostoru Beogradskog sajma nastupiće više od 600 izlagača iz 27 zemalja, odnosno svi eminentni domaći i strani građevinski proizvođači, distributeri i trgovci.

Više od četiri decenije dugo poslovno iskustvo afirmisalo je manifestaciju u svim oblastima građevinske delatnosti i utvrdilo jak međunarodni karakter i liderski status Međunarodnog sajma građevinarstva. Ugled i obim koji ima, manifestaciju čine jednim od poslovnih zaštitnih znakova Beograda i Srbije, što potvrđuje veliki broj inostranih učesnika i posjetilaca. Pored značajnog broja

učesnika, Sajam građevinarstva svake godine posjeti i veliki broj gostiju iz zemlje i inostranstva.

Izlagачki program obuhvata inženjering, rekonstrukciju, mašine za obradu stakla, mašine za obradu profila za stolariju, najmoderniju građevinsku mehanizaciju, kompjuterske softvere u građevinarstvu, mašine i uređaje za industriju građevinskih materijala, najnovije materijale, uređaje za klimatizaciju i grijanje, montažne objekte. Ovogodišnja sajamska postavka biće, kao i svake godine, i sadržajno i dizajnerski inovirana. Nove tehnologije će biti prisutne u svakom segmentu manifestacije, upravo zbog konstantne potrebe za inovativnošću i napretkom u građevinskoj industriji. To važi za IT, digitalne, komunikacione tehnologije, sve vrste specijalizovanog, aplikativnog softvera, koji odavno u građevinarstvu nije novost i ekskluzivitet – već uspostavljeni standard. Tehničko tehnološka dostignuća posebno su primetna u tehnologiji, sistemima gradnje i materijalima. I na ovom sajmu će, organizovano nastupiti Kantonalna privredna komora Tuzla i predstaviti firmi članice.

ORGANIZATOR BEOGRADSKI SAJAM

Bulevar vojvode Mišića 14 11040 Beograd

e-mail: seebbe@sajam.rs

Dejana Cahun, koordinator projekta

+381 (0)11 2655-248, +381 (0)11 2655-301.

D.K.



Najava sajamskih manifestacija...

Banjaluka: “Grames Demi 2022”, 16-18.3.

Međunarodni sajam građevinarstva je prilika da prezentujete svoje proizvode i usluge potencijalnim kupcima na ovom specijalizovanom, dobro organizovanom, modernom i poslovno orijentisanom sajmu. Sajam će okupiti vodeće kompanije iz svih segmenata građevinske industrije, iz regiona – Bosna i Hercegovina, Srbija, Crna Gora, Hrvatska, Severna Makedonija, Slovenija i iz inostranstva – Austrija, Holandija, Italija, Kina, Mađarska, Njemačka. Sajam građevine, materijala opreme, alata i modernih tehnologija u građevinarstvu, elektro i mašinske industrije, biće održan u Banjaluci od 16. do 18. marta 2022. godine.

Prijavni materijal na www.kpktz.ba



Sarajevo: Sajam “Interio”, 17-20.3.



Slijedeći svoj cilj, od davne 1978. godine, da pruži podršku unaprijeđenju i razvoju jedne od najperspektivnijih grana privrede u BiH - drvne industrije - naročito proizvodnje namještaja, te

povezivanju domaćih i inostranih privrednika i krajnjih korisnika, KJP Centar Skenderija d.o.o. / Sarajevski Sajam će održati 38. Izdanje Međunarodnog specijalizovanog sajma namještaja, unutrašnjeg i vanjskog uređenja, te prateće djelatnosti „INTERIO“ od 17. do 20.03.2022. godine.

Kontakt: Amela Okan (Projekt menadžer)

Tel/fax: +387 33 226-612

E-mail: amela.o@skenderija.ba

Više informacija o Sajmu na: interio.skenderija.ba

Prijavni materijali na www.kpktz.ba

Budva: Sajmovi hrane, turizma, namještaja, od 30.3. do 2.4.



Globalna ekonomija „uči“ da živi, da se odvija i raste i u okolnostima aktivne pandemije. Potražnja na globalnom nivou je premašila očekivanja i prognoze, do mjere da je izazvala zastoje u proizvodnim i logističkim lancima. Nakon gotovo potpunog prekida trgovine uslijed pandemije virusa Covid 19, ulazimo u novu eru, novi početak. Glavni zadatak na početku – što prije i kvalitetnije zadovoljiti ogromnu potražnju, a turistima željnih putovanja obezbijediti siguran i ugodan odmor.

Prema analizi Economist Intelligence, uslijed još uvijek postojećih okolnosti koje diktira pandemija, turistička putovanja u 2022. će ostati na „nivou sasvim drugačijeg iskustva“. Značajniji rast se može očekivati unutar domaćih i regionalnih tržišta. Crna Gora je i u 2021. godini ostvarila značajne rezultate u turizmu. Od 2022. očekujemo još i više.

Forbes predviđa da će strategija distribucije „direktno do potrošača“ prevazići sve ostale kanale distribucije u prodaji hrane u 2022. godini. MarketWatch predviđa da će do 2027. godini tržište proizvodnje i prodaje namještaja značajno rasti iz godine u godinu. Pravo mjesto da odgovorite novim potrebama i željama kupaca i turista u Crnoj Gori i regionu, predstavite Vašu ponudu i mogućnosti, i ubjedite ih da ste upravo Vi kompanija na koju se mogu osloniti su:

47. Sajam hrane

38. Sajam namještaja opreme za domaćinstva poslovne prostore i unutrašnju dekoraciju

30. jubilarni Međunarodni sajam turizma, opreme za hotelijerstvo i ugostiteljstvo – METUBES i Sajam sezonskog zapošljavanja,

koji će se u organizaciji Jadranskog sajma održati u periodu od 30. marta do 2. aprila 2022. godine. Period održavanja je planiran u skladu sa najboljim interesom industrija koje su teme ovih sajmova i najvećim šansama za mjerljiv uspjeh učesnika, izlagača. Pozivamo Vas da budete učesnik ovih sajmova. U prilogu Vam dostavljamo prijavu za učešće, a biće nam i zadovoljstvo da u direktnom razgovoru odgovorimo na sva dodatna pitanja i čujemo Vaše ideje, sugestije i predloge za koje smatrate da će koristiti uspješnom nastupu Vaše kompanije. Za novi početak se vidimo na Jadranskom sajmu!

Prijava na kpktz.ba...



Mostar: 23. Sajam gospodarstva, 5-9.4.

Nakon dvogodišnje stanke Međunarodni sajam gospodarstva u Mostaru nastavlja s radom



SAJAM GOSPODARSTVA
23. međunarodni international business fair
Mostar, 5.4. - 9.4.2022.



Mostarski sajam biće održan od 5-9.4.2022. godine, a zemlja partner je Mađarska.

Obavještavamo javnost da nakon dvogodišnje stanke, uzrokovane pandemijom COVID-19, najznačajnija sajamska manifestacija u BiH, Međunarodni sajam gospodarstva Mostar nastavlja s radom.

Stoga nam je veliko zadovoljstvo najaviti održavanje 23. Međunarodnog sajma gospodarstva u Mostaru, na čijoj organizaciji smo započeli s radom. Pripreme provodimo sukladno novim okolnostima koje nas okružuju i kojima ćemo se prilagođavati.

Na 23. međunarodni sajam gospodarstva Mostar 2022. svoje gospodarske potencijale predstaviti će

zemlja partner - Mađarska.

Međunarodni sajam gospodarstva će biti obogaćen regionalno i međunarodno vrlo značajnim konferencijama, čime se našim partnerima i izlagačima na jednom mjestu nudi jedinstvena ponuda i spoj sajamskih i konferencijskih događanja.

Dragi naši partneri, izlagači, medijski promotori i posjetitelji, uvjereni u nastavak suradnje i razvoja tradicionalno dobrih odnosa, zahvaljujemo vam na svemu što ste dosadašnjih godina učinili za ovu manifestaciju i time pridonijeli u stvaranju pozitivnog i prijateljskog ozračja.

Čast nam je pozvati vas da nam budete dragi gosti i podržite nas i na 23. međunarodnom sajmu gospodarstva 2022. u Mostaru. Opširnije na <https://www.mostar-fair.com...>

Lukavac: Sajam "List" od 5. do 7. maja



Pozivamo Vas da budete dio 20. Međunarodnog sajma turizma i ekologije "LIST" od 5. do 7. maja 2022.god. u Lukavcu. U produžetku link na kome možete pogledati dio atmosfere sa ovogodišnjeg Sajma. Pokrovitelji sajma: Vlada Tuzlanskog kantona i Ministarstvo trgovine, turizma i saobraćaja Tuzlanskog kantona. Partneri sajma: Turistička zajednica Općine Lukavac i Turistička zajednica Tuzlanskog kantona.

Topli pozdrav iz Lukavca!

Za sve dodatne informacije stojimo Vam rado na usluzi.

Opširnije o sajmu i prijavni materijal na www.kpktz.ba

Sarajevo: 8. Sajam privrede. 8-11.12.



Zadovoljstvo je obavijestiti Vas da KJP Centar "Skenderija" - Sarajevski sajam organizuje 8. Sajam privrede, poljoprivrede i zanatstva & 45. Sajam roba široke potrošnje u terminu od 8. do 11. decembra 2022. godine. Pozivamo vas da budete sastavni dio zajedničke postavke privrede Tuzlanskog kantona na ovoj značajnoj međunarodnoj sajamskoj manifestaciji na kojoj Kantonalna privredna komora Tuzla organizuje i sufinansira zajednički nastup, zajedničku postavku "Privreda TK", za svoje članice, bez dodatnih troškova izlagača. Pozivamo vas da prihvatite naš poziv i doprinesete uspješnom predstavljanju privrede Tuzlanskog kantona na svim sajamskim manifestacijama na kojima Kantonalna privredna komora Tuzla bude organizovala zajednički nastup. Molimo da nam se javite za sve dodatne informacije, kontakt osoba je Dino Kalesić: 061/164-311.

Prijavni materijal na www.kpktz.ba

D.K.



Iz JP EP BiH...

Elektroprivreda BiH će graditi solarnu elektranu i u Banovićima

Elektrana bi se gradila na lokalitetu Selo II – MZ Banovići



Općina Banovići bi uskoro mogla dobiti prvu solarnu elektranu. Elektrana bi se gradila na lokalitetu Selo II – MZ Banovići Selo, na prostoru površine 100 hiljada metara kvadratnih. Riječ je o projektu Javnog preduzeća „Elektroprivreda BiH“ d.o.o. Sarajevo, s kojim se trenutno pregovara. S tim u vezi, predstavnici Elektroprivrede posjetili su Banoviće i razgovarali sa općinskim načelnikom dr. Begom Gutićem. Obje strane iskazale su zainteresiranost za implementaciju projekta. Iz Elektroprivrede BiH pozitivno su ocijenili lokaciju za objekat, predloženu od strane Općine, a da bi se poduzeli naredni koraci u implementaciji razgovaralo se o visini zakupa zemljišta i vremenskom periodu zakupa. U vezi s navedenim, Elektroprivreda BiH dostavit će svoj prijedlog te ukoliko se postigne dogovor općina Banovići će u međuvremenu izvršiti usklađivanje prostorno planske dokumentacije i Odluke kojom se definiše zakup javnih površina. Izgradnjom solarne elektrane Banovići bi bili među prvim u Tuzlanskom kantonu koji će početi koristiti obnovljive izvore energije (tzv. održivu ili zelenu energiju).

EP BiH planira solarne elektrane na deponijama u Tuzli

Puna podrška Grada Tuzla za realizaciju



Izgradnja fotonaponske elektrane Divkovići 1 i 2 ukupne snage 56 MW, projekta JP Elektroprivreda BiH planiranog na lokaciji deponije šljake i pepela TE Tuzla, bila je glavna tema razgovora generalnog direktora Admira Anđelije, izvršnog direktora Senada Salkića, direktora TE „Tuzla“ Izeta Džananovića i v.d. direktora RU „Kreka“ Hasana Blekovića sa Jasminom Imamovićem, gradonačelnikom Tuzle i članovima gradske Uprave. Uz izražavanje pune podrške Grada Tuzla za realizaciju projekta i saglasnost u vezi sa nužnim promjenama Regulacionog plana Grada, usaglašen je zajednički nastup prema Vladi Tuzlanskog kantona s ciljem rješavanja postojećih prepreka koje se odnose na Prostorni plan kantona i potrebu njegove izmjene, čime bi bile obezbijeđene neophodne pretpostavke za početak izgradnje novog objekta iz obnovljivih izvora energije. Posebna tema razgovora bilo je pitanje rješavanja međusobnih imovinsko-pravnih odnosa Grada Tuzla i Rudnika „Kreka“ kako bi se osigurao dalji ravnomjeran razvoj Grada, čemu Uprava JP Elektroprivreda BiH daje punu podršku, ali i nesmetana eksploatacija uglja u Rudniku „Kreka“. Tokom susreta razgovarano je i o izgradnji Centralnog gradskog groblja u naselju Drežnik, na lokalitetu nekadašnje deponije šljake i pepela koji je JP Elektroprivreda BiH 2015. godine ustupila Gradu Tuzla.

Gradonačelnik Imamović i članovi Uprave Grada iskazali su i podršku realizaciji projekta odsumporavanja Bloka 6 u TE „Tuzla“.

D.K.



Iz firmi članica Komore...

“Adriatic osiguranje” dd Sarajevo drži lidersku poziciju

Četvrta godina zaredom vodeći na tržištu BiH



Četvrtu godinu zaredom Adriatic osiguranje d.d. Sarajevo drži lidersku poziciju na tržištu osiguranja BiH. Prema podacima Agencije za nadzor osiguranja FBiH, u 2021. godini ukupna premija osiguravajućih društava iznosila je 623,9 miliona KM. Adriatic osiguranje s premijom u iznosu 74,32 miliona KM dodatno je učvrstilo vodeću poziciju na tržištu osiguranja BiH tadržajući najveći tržišni udio u iznosu od 11,9 %, od toga 14,2% u neživotnim osiguranjima, dok u životnim osiguranjima taj udio iznosi 4,3%. Društvo je lider i na tržištu obveznog osiguranja od automobilske odgovornosti sa 143.978 ugovorenih polica.

„Protekla 2021. godina pred nas je stavila dodatne izazove koje smo u Adriatic osiguranju ne samo uspješno odgovorili, već i dodatno učvrstili vodeću poziciju. Ovi izvrsni rezultati na dinamičnom i zahtjevnom tržištu osiguranja potvrđuju našeg dobrog, preciznog planiranja te kvalitetne realizacije poslovnih planova. Rezultate smo ostvarili u prvom redu zahvaljujući trudu naših djelatnika te povjerenju osiguranika koji su u Adriaticu prepoznali pravog i dugoročnog partnera. Ovu poziciju planiramo zadržati i ojačati i u godini koja je pred nama, koja neće biti nimalo jednostavnija. Fokus ćemo staviti na kvalitetu usluge i razvoj osigurateljskih proizvoda, daljnje unaprjeđenje poslovnih procesa, očuvanje profitabilnosti. U ovoj godini naglasak će biti i na edukaciji djelatnika, a nastaviti ćemo i s procesom tehnoloških inovacija“, izjavila je Marina Miočić-Hamidović, predsjednica Uprave Adriatic osiguranja.

Unaprijeđenje poslovnih i ekoloških prilika

Global Ispat Koksna industrija Lukavac dd

Kompanija GIKIL, iako je u predhodnim godinama bila u nezavidnom položaju, ipak se zahvaljujući novoj upravi od 2020. godine, našla među najvećim izvoznicima iz Bosne i Hercegovine u 2021. godini.

U 2020. i 2021. godini u tehnološke procese ove kompanije uloženo je 17 miliona KM, od čega se veliki dio projekata odnosi na ekološke. Nedavno je potpisan i ugovor za nabavku bezdimne mašine koja neće dozvoljavati emisiju krutih čestica i gasa prilikom punjenja bilo kojih peći. U sklopu GIKIL-a djeluje i fabrika anhidrida maleinske kiseline za koju je planirana investicija od devet miliona KM. Zbog neekonomičnosti u svom radu uprava GIKIL-a odlučila je da privremeno zaustavi proizvodnju u fabrici azotara. Kompanija GIKIL trenutno upošljava oko 950 radnika, a u narednom periodu u planu su i nova upošljavanja. U ovoj godini planirane nove investicije preko 20 miliona KM.

D.K.





Mikrokreditna fondacija MI-BOSPO...

Promocija rezultata projekta “Naša učionica”

Prihvatanje usluga internet i mobilnog bankarstva je rezultat “Naše učionice” - Promocija je održana u prostorijama Ekonomskog fakulteta Univerziteta u Tuzli - MI-BOSPO učionica



Projekat “Naša učionica” imao je za cilj edukaciju MI-BOSPO klijentica o korištenju mobilnog i/ili internet bankarstva, prednostima i olakšicama koje korištenje istog pruža i koji je tokom 2021. godine proveden u osam gradova Bosne i Hercegovine. Saznanja do kojih se došlo tokom projekta, analizirana su od strane akademskog osoblja Ekonomskog fakulteta, i rezultat toga je publikacija ‘Prihvatanje usluga internet i/ili mobilnog bankarstva - rezultati projekta Naša učionica’.

Projekat je implementiran uz podršku EFSE (European Fund for Southeast Europe – Evropski fond za jugoistočnu Evropu), te u partnerstvu sa Sparkasse bank d.d. BiH i Ekonomskim fakultetom Univerziteta u Tuzli.

“Zadovoljstvo nam je bilo i na ovaj način podržati naše klijente, naročito u doba pandemije, kada je bilo od iznimnog značaja smanjiti fizičke kontakte. Smatrali smo potrebnim educirati naše klijentice o načinima korištenja mobilnog bankarstva, te sada imamo priliku i predstaviti rezultate istraživanja, odnosno pozitivan uticaj kojeg je edukacija imala na klijentice, dakle posmatran je period prije i poslije edukacije. Posebno smo zahvalni partnerima bez kojih ovo ne bismo uspjeli, bez podrške EFSE fonda, Ekonomskog fakulteta, Sparkasse banke. Mi ćemo se i u narednom periodu truditi da dajemo klijentima i više od kredita”, izjavio je Safet Husić, direktor MI-BOSPO-a.



Projekat “Naša učionica” provodio se u tri faze: anketiranje, radionice i evaluacija efekata i promocija projekta.

Cilj projekta bio je ohrabriti klijentice da koriste mogućnosti novih tehnologija, kako bi olakšale svoje poslovne aktivnosti, te brže i jednostavnije rješavale porodične finansijske obaveze. Podizanjem nivoa znanja žena o mogućnostima, vrstama usluga, pouzdanosti alata i jednostavnosti upotrebe, doprinosi se ohrabivanju i podsticanju žena da se odluče za upotrebu ovih tehnologija.

Radionice na temu korištenja modernih tehnologija održane su u dva kruga, u 8 gradova širom Bosne i Hercegovine, a na radionicama je preko 100 MI-BOSPO klijentica imalo priliku da stekne i usvoji nova znanja koja će im biti od velike koristi u budućnosti.

Projekat “Naša učionica” doprinio je građenju i dugoročnijeg odnosa MI-BOSPO-a sa klijentima jer sumirajući rezultate nakon implementacije projekta, da se zaključiti da su klijentice zadovoljne isporučenim sadržajima na osnovu kojih su unaprijedile svoje postojeće znanje, te prevazišle stereotipe i strahove u vezi online poslovanja i plaćanja.

Pružanjem nefinansijskih vrsta usluga, MI-BOSPO nastoji svojim klijentima omogućiti i više od kredita, podržati ih na adekvatan način, olakšati njihove poslovne aktivnosti, kao i biti podrška u skladu sa inovacijama i trendovima koje donosi digitalizacija, a tome je značajno doprinio i projekat “Naša učionica”.

Klix



Iz Vlade Tuzlanskog kantona...

Vlada refundira trošak

Otvaranje firme u Tuzlanskom kantonu od 1. januara je besplatno



Vlada Tuzlanskog kantona od 1. januara ove godine refundirat će troškove osnivanja firmi svima koji odluče da ulažu na području ovog kantona. Potvrdio je ovo za Klix.ba premijer TK Kadrija Hodžić, koji je za klix kazao kako je TK prvi u FBiH koji se odlučio na ovaj vid pomoći privredi.

Pojasnio je Hodžić kako su odlučili primijeniti model tax free, koji je prvobitno primijenjen u SAD-u kao oslobađanje od poreza za vrijednosne papire i određene vrste proizvoda. U ovom slučaju, pojasnio je Hodžić, primjena tax free modela podrazumijeva oslobađanje privrednika plaćanja brojnih dažbina, različitih naknada i naknada na svim nivoima vlasti, prilikom osnivanja preduzeća.

“Ovim potezom olakšavamo onaj prvi, možda i najteži, korak budućim poduzetnicima. Vjerujemo da je to značajna podrška lakoći poslovanja u Tuzlanskom kantonu i vjerujem da će mnogi koji su razmišljali o pokretanju vlastitog biznisa biti ohrabreni time. Ovo je jedinstven oblik podrške mladima za lakši pristup i finansijsku podršku na početku procesa pokretanja poslovanja. Ponosni smo na to što je Tuzlanski kanton, koji ima najveći broj obrta u Federaciji BiH, prvi koji je implementirao ovakav poticaj”, istakao je Hodžić.

Model tax free, pojasnio je, otvoren je za sva novoosnovana preduzeća (d.o.o.) i obrte. Komplikacija u implementaciji modela je što se naknade za osnivanje preduzeća i obrta plaćaju na nivou općina/gradova, kantona i drugih viših nivoa vlasti, pa ih kantonalna vlast, osim onih koje sama nameće, ne može ni ukinuti.

“Rješenje smo našli u budžetskom planiraju sredstava za refundaciju svih parafiskalnih nameta, ali i drugih zakonskih i administrativnih nameta prilikom osnivanja preduzeća, odnosno obrta. Dakle, onaj ko osnuje firmu će platiti naknade, ali će mu taj iznos biti vraćen. Naš projekt modela tax free je sveobuhvatniji od prvobitne ideje kompenzacije samo parafiskalnih nameta, koji u Tuzlanskom kantonu povećavaju troškove registracije firmi za 470 KM i obrta za 200 KM, i uključivat će nešto širi sadržaj finansijskih aspekata osnivanja preduzeća u Federaciji BiH. To će, u konačnici, biti utvrđeno provedbenim aktom kojim će biti definisano koji će troškovi, osim parafiskalnih naknada, biti nadoknađeni osnivačima preduzeća”, kazao je Hodžić.

Za model tax free podrške poduzetništvu odlučili su se s ciljem

da pomognu svima koji žele pokrenuti svoju poslovnu priču, ali i kako bi pokušali smanjiti broj mladih koji se odlučuju za odlazak iz zemlje.

“Radi se o našoj namjeri da odgovorimo i na one namete za koje kao kantonalna vlast nismo u nadležnosti. Naprimjer, imate niz nameta, taksu i drugih davanja koja se tiču federalnog ili lokalnih nivoa vlasti, na koje mi kao kanton nismo mogli utjecati. Dakle, pronašli smo način da ono što novi preduzetnici moraju da plate pri pokretanju firmi, mi im to nadoknadimo. Na ovaj način direktno doprinosimo lakšem poslovanju i stvaranju povoljnijeg poslovnog okruženja. Kada je riječ o održivosti ove mjere, moramo istaći da će ublažavanje ili subvencioniranje nameta u osnivanju preduzeća i obrta poduzetnicima i obrtnicima osigurati početne uštede i poduzetničke poticaje, a ujedno će u konačnici dovesti do povećanja budžetskih prihoda (kroz povećane poreze i doprinose), a da ne govorimo o multiplikaciji potrošnje koja će biti ostvarena od plata zaposlenih u takvim firmama. I još nešto, smanjit ćemo rasprostranjenost korupcije koja se odnosi na javne usluge, administrativne takse i dozvole za registraciju preduzeća”, istakao je Hodžić.

Podsjetio je premijer Tuzlanskog kantona na činjenicu da Bosna i Hercegovina, prema podacima Svjetske banke, od 190 zemalja svijeta, zauzima 184. mjesto po lakoći pokretanja biznisa. Za početak poslovanja u BiH, kaže, potrebno je i do 80 dana, dok se u pojedinim razvijenim ekonomijama registracija firme završi i za jedan dan.

“S obzirom na to da su procedure osnivanja firmi regulisane s različitim upravnih nivoa, za sada se može govoriti samo o pojednostavljenju procedure s kantonalnog nivoa. Procedure za tax free model zahtijevaju od firmi i obrta podnošenje dokumentacije i dokaza o osnivanju. Na osnovu toga će biti donesena rješenja o povratu sredstava, a novac će biti uplaćen direktno iz Ministarstva finansija Vlade Tuzlanskog kantona. Osnivačima privrednih društava i obrta u bliskoj budućnosti namjeravamo ponuditi i usluge poslovnih zona, koje smo planirali da povećamo Prostornim planom do 2025. godine za 1.550 hektara ili za više od 50 posto”, dodao je Hodžić.

klix.ba



Obavještenje kandidatima...

Seminar za pripremanje pravosudnog ispita

Seminar će trajati sedam vikenda - Prijave ostaju otvorene do popune mjesta - Datum početka seminara će se odrediti nakon formiranja



Kantonalna privredna komora Tuzla obavještava sve zainteresovane kandidate da počinje formiranje grupe za organizaciju

Seminara za pripremanje polaganja pravosudnog ispita.

Program seminara provodit će se na osnovu i u okviru Programa polaganja pravosudnog ispita od 11.10.2018. godine i Pravilnika o polaganju pravosudnog ispita od 11.12.2019. godine, izmjene i dopune od 18.3.2020. godine Federalnog ministarstva pravde.

Predavači na seminaru su članovi/ispitivači Komisije za polaganje pravosudnog ispita na nivou Federacije Bosne i Hercegovine.

Seminar će trajati 15 dana (7 vikenda) i obavljat će se u velikoj sali Kantonalne privredne komore Tuzla, uz poštovanje svih epidemioloških mjera, u skladu sa propisima nadležnih organa.

U toku seminara obradit će se materija iz krivičnog prava, građanskog prava sa porodičnim pravom, privrednog prava, upravnog i radnog prava, ustavnog sistema i organizacije pravosuđa. U okviru seminara realizirat će se i praktične vježbe (pismeni radovi) za polaganje pismenog dijela ispita iz krivičnog i građanskog, odnosno porodičnog prava. Nakon završetka obuke, polaznici će dobiti potvrdu o pohađanju seminara za pripremanje polaganja pravosudnog ispita.

Broj mjesta je ograničen na 30 kandidata. Prijave ostaju otvorene do popune mjesta.

Datum početka seminara će se odrediti nakon formiranja grupe.

Iznos kotizacije je 995,00 KM po polazniku. U cijenu je uračunat i PDV. Navedeni iznos se može platiti u tri rate.

Molimo, ukoliko ste zainteresovani za učešće na navedenom seminaru da popunjenu prijavu, u prilogu, pošaljete na e-mail edina@kpktz.ba ili fax broj 035 369 552.

Kontakt osoba Edina Kurtić, telefon broj 035 369 551.

PRIJAVA na: <http://kpktz.ba>



Javni poziv za usavršavanje...

Usavršavanje za NO i UO, prijave za novu grupu

Javni poziv za dostavljanje prijava



KANTONALNA PRIVREDNA KOMORA TUZLA



Kantonalna privredna komora Tuzla prikuplja prijave za novu grupu za Usavršavanje predsjednika i članova nadzornih odbora i uprava privrednih društava sa učešćem državnog kapitala (prema Uredbi Vlade FBiH, "Službene novine F BiH", br. 71/09, 33/10, 23/11, 83/11, 2/13, 80/13, 48/15, 60/16 i 88/17). Početak edukacije je planiran za po formiranja grupe, a u zavisnosti od epidemiološke situacije, organizovat će se u prostorijama Komore u Tuzli ili online putem Zoom platforme, o čemu će odluka biti donesena neposredno pred početak.

Zainteresovani kandidati prijavu mogu izvršiti dostavom prijavnog upitnika (na web stranici Komore: www.kpktz.ba).

Potrebna dokumentacija:

1. prijavni upitnik
2. kopija diplome
3. uvjerenje o radnom iskustvu u struci

Cijena usavršavanja (edukacija, literatura, ispit i certifikacija) je 880,00 KM po polazniku, a informacije o rokovima i načinu uplate bit će Vam dostavljene nakon određivanja datuma početka. Prijave i sve dodatne informacije na mail: edina@kpktz.ba ili putem faxesa na broj 035/369-552 ili poštom na adresu Trg slobode bb, 75000 Tuzla.

Kantonalna privredna komora Tuzla
Trg slobode bb, 75 000 Tuzla

Rok za podnošenje prijava kao i tačan termin početka usavršavanja, biće naknadno utvrđeni, po formiranju nove grupe polaznika.

Upitnik na: <http://kpktz.ba/images/stories/2019/Novembar/Prijava.pdf>



Projekat u okviru ERASMUS+ programa...

“CApacity building for success – foSTering youth professional realization and employability”



Društvo za istraživanje i razvoj – DIR, zajedno sa partnerima iz Albanije, Bosne i Hercegovine, Bugarske, Crne Gore, Italije, Rumunije, Sjeverne Makedonije i Srbije, implementira projekat: “CApacity building for success – foSTering youth professional realization and employability” finansiran u okviru ERASMUS+ programa, kroz KA2 aktivnost. Cilj projekta je unaprjeđenje kapaciteta mladih u zemljama regiona u skladu sa potrebama tržišta rada kroz uspješnu integraciju između udruženja mladih, akademske zajednice, institucija, poslovnih i drugih aktera u lancu vrijednosti kako bi se podržala njihova veća angažovanost i razvoj poslovnih vještina. Aktivnosti su već u toku, održani su uvodni sastanci, definisan plan aktivnosti i krenulo se u implementaciju projekta – održani su 4 sastanka projektnog tima i dvije radionice u toku 2021 godine. PRONA je koordinator projekta, projekat će trajati do januara 2023. godine.

Opis projekta i ciljevi- Erasmus +

Dok su se u posljednje dvije decenije u Evropi preduzetništvo i preduzetnički potencijal ponovo pojavili kao ključna stavka u političkim i ekonomskim agendama, Zapadni Balkan usvaja novi model rasta za otključavanje regionalnog potencijala. U ovom procesu (re-)vitalizacije preduzetništva, četiri međusobno povezane komponente smatraju se važnim dijelom:

1. akteri regionalnog razvoja i odnosi koji nastaju na institucionalnom i građanskom nivou;
2. faktori poslovnog okruženja i specifična ograničenja;
3. institucionalna podrška (uključujući lokalne vlasti, podršku zajednice), i na kraju
4. ekonomski, društveni i ekološki trendovi.

Ove komponente čine poduzetnički eko-sistem. Međutim, kopiranje dobrog nacionalnog preduzetničkog ekosistema nije opcija u procesu tranzicije postsovjetskih ekonomija i zbog resursa i zbog sposobnosti.

Slab učinak tržišta rada u zemljama ZB je ključna društvena briga - stopa nezaposlenosti mladih pogađa 30%-50% mladih (Svjetska banka). Više od 1/3 mladih mladih od 25 godina je nezaposleno u Crnoj Gori i Albaniji, više od 2/5 u Srbiji i Bivšoj Jugoslovenskoj Republici Makedoniji, prelazi 1/2 svih mladih na Kosovu, a iznad 3/5 u Bosni i Hercegovini. Dok je politika zapošljavanja fragmentirana i usko fokusirana, zasnovana na lošoj koordinaciji između tijela koja učestvuju i nedostatku odgovarajućeg razvoja vještina, nepovoljni trendovi će

postojati. U skladu s prioritetom evropske kohezione politike, Evropskog socijalnog fonda, Inicijative za zapošljavanje mladih i Evropskog fonda za regionalni razvoj za smanjenje nezaposlenosti mladih, naš prijedlog će premostiti jaz između potreba i zahtjeva sektora MMSP, tržišta, obrazovanja i zaposlenje od strane:

- Jačanje lanaca vrijednosti zasnovanih na konkurentnosti identifikacijom i razvojem ključnih tačaka intervencije (izgradnja kapaciteta, obuka, transfer znanja);
- Identifikovanje pokretačkih faktora koji bi mogli poboljšati lance vrijednosti zasnovane na konkurenciji;
- Omogućavanje nivoa kvaliteta i izvrsnosti regionalnih aktera i institucija predlaganjem preporuka/strukturnih modela koji bi doprinijeli aktivnoj međunarodnoj integraciji i snažnom pogledu na regionalnu održivost.

u ovom procesu će se pratiti preporuke EU za izgradnju kapaciteta za mlade putem obuke vještina i kompetencija za uspješnu karijeru kroz kontinuirano obrazovanje, naukovanje, pripravnishvo, uključujući ESCO inicijativu i Youthpass. Projekat preuzima odgovornost za osmišljavanje kurseva kombinovanog učenja, koji će mlade ljude pripremiti prema preporukama poslodavaca i sopstvenog profila za otvorene i stalne kvalifikacije i lični razvoj. Cilj nam je uspješna integracija između udruženja mladih, akademske zajednice, institucija, poslovanja i drugih aktera u lancu vrijednosti kako bismo podržali veću zapošljivost i razvoj vještina mladih ljudi. Partnerstvo je zasnovano na obostranim ekonomskim, socijalnim i trenaznim koristima i osnažuje učesnike da funkcionišu kao kompetentan integrisani sistem za održivo poboljšanje egzistencije mladih ljudi, uzimajući u obzir kako lokalne karakteristike tako i koheziju sa EU koja je u toku.

Implementacija projekta


Saradnja u okviru ovog projekta jedinstvena je prilika da se izgradi novi program obuke koji promovise rješenja za važne i često hitne društvene potrebe. Novo polje obrazovanja i istraživanja ima za cilj uvođenje u društvo i tržište inovativnih instrumenata u tri ciljne oblasti identifikovane kao osnovni pokretači lokalnih ekonomija – poljoprivreda, turizam i usluge. Fokus na obezbjeđivanju inovativnih edukativnih modula za povećanje kvalifikacija i izgradnju civilnih kapaciteta za određeni sektor za zapošljavanje mladih u oblasti industrije, javne uprave i nevladinih organizacija određuje neophodnost primjene interdisciplinarnе metodologije. Primjena metodologije „približavanja sposobnostima“ je osnova rada projekta na razvoju, apromaciji i realizaciji modularnih kurseva miješanog učenja.

ERASMUS+ CAST projekat
Projekt menadžer za Bosnu i Hercegovinu
Mr Esad Arnautović – Društvo za istraživanje i razvoj



PRIVREDNA KRETANJA U TUZLANSKOM KANTONU ZA I-XII 2021. GODINE

Obim industrijske proizvodnje, prema podacima za jedanaest mjeseci (I-XI 2021), ostvario je rast od 3,5% u odnosu na isti period prošle godine. Rast obima industrijske proizvodnje je ostvaren u kategorijama intermedijarnih proizvoda 11% i kapitalnih proizvoda 35,5%. Došlo je do pada obima proizvodnje u kategorijama trajnih i netrajnih proizvoda za široku potrošnju po 10% i proizvodnji energije 3%.




Industrijska proizvodnja I-XI 2021/ I-XI 2020 (%)

Ukupni izvoz iz Tuzlanskog kantona je u 2021. godini iznosio 2,1 milijardu KM što je za 24% više u odnosu na 2020. godinu. Najviše se izvoze industrijski proizvodi, posebno metaloprerađivačke i hemijske industrije. Ostvaren je uvoz od 2,37 milijardi KM, što je za 28,4% više u odnosu na 2020. godinu. Najviše su se uvozile industrijske robe koje se koriste za proizvodnju u našoj industriji. Ostvaren je vanjskotrgovinski deficit od 304 miliona KM, a pokrivenost uvoza izvozom je 87,17%. Tuzlanski kanton tradicionalno najviše posluje sa Evropskom unijom, Njemačkom i Austrijom kao i sa zemljama regiona. Izvozni karakter naše privrede nam je omogućio da se relativno brzo oporavimo poslije prvog udara 2020. godine, veliki broj firmi je sačuvao ugovore sa svojim inostranim partnerima, mada je bilo smanjenja narudžbi i obima posla, međutim, globalni tržišni poremećaji sada svakako utiču na našu privredu što je vidljivo kroz poskupljenja roba i usluga.

Sa 31.12. 2021. godine je u TK bilo 103.508 zaposlene osobe i 70.301 nezaposlenu osobu. Negativni trend odlaska radnosposobnog stanovništva već ostavlja ozbiljne posljedice na privredu koja ne može da pronade adekvatne kadrove za svoje potrebe.

	Zaposleni	Nezaposleni
I 2021	101.319	77.240
II 2021	100.871	76.153
III 2021	100.636	75.159
IV 2021	101.043	73.680
V 2021	101.526	72.595
VI 2021	102.157	72.927
VII 2021	102.223	73.674
VIII 2021	102.209	73.205
IX 2021	103.078	72.001
X 2021	103.134	71.838
XI 2021	103.386	70.768
XII 2021	103.508	70.301




Prosječna neto plata u Tuzlanskom kantonu je iznosila 933,00 KM što je ispod prosjeka Federacije BiH. U odnosu na kantonalni prosjek iz 2020. godine, neto plaća je veća za 8,1%. Najviše prosječne neto plate u Tuzlanskom kantonu su u sektoru proizvodnje i opskrbe el.energijom (1.729 KM), dok su najniže prosječne neto plate u ugostiteljstvu i hotelijerstvu (534 KM).

Djelatnost		Tuzlanski kanton	
		Neto plaća (XI 21)	XI 21/ 2020 %
A	Poljoprivreda, šumarstvo i ribolov	884 KM	5,9 %
B	Vađenje ruda i kamena	1.074 KM	2,0 %
C	Prerađivačka industrija	738 KM	9,3 %
D	Proizvodnja i snabdijevanje el.en., plinom	1.729 KM	3,3 %
E	Snabdijevanje vodom i uklanjanje otpadnih voda	964 KM	3,3 %
F	Građevinarstvo	667 KM	14,4 %
G	Trgovina na veliko i malo	696 KM	11,2 %
H	Prevoz, skladištenje i komunikacije	696 KM	-1,7 %
I	Hotelijerstvo i ugostiteljstvo	534 KM	1,3 %
J	Informacije i komunikacije	1.466 KM	19,8 %
K	Finansijske djelatnosti	1.350 KM	1,9 %
L	Poslovanje nekretninama	847 KM	8,7 %
M	Stručne, naučne i tehničke djelatnosti	1.082 KM	17,1 %
N	Administrativne i pomoćne uslužne djelatnosti	731 KM	19,2 %
O	Javna uprava i odbrana	1.317 KM	2,7 %
P	Obrazovanje	834 KM	1,1 %
Q	Zdravstvena socijalna zaštita	1.587 KM	15,8 %
R	Umjetnost, zabava i rekreacija	826 KM	0,9 %
S	Ostale uslužne djelatnosti	1.040 KM	11,3 %



THE CHAMBER OF ECONOMY OF TUZLA CANTON



TUZLA CANTON

Your Business Partner

